

知止齋詩集

知止齋詩集卷第十一

常熟翁心存二銘

古今體詩一百十九首

起乙未抵京是秋典浙江鄉試便道省親旋拜奉天府丞

之

命歲杪出關丙申

召還丁酉再

直

上書房戊戌以母老乞養還里作

賀錫子受祉入詞垣次煦齋師韻

乙未

詒謀衍慶福來宜喜見泥金耀繡楣元老經綸雙鳳繼  
諸孫才調八龍奇已傳椿蔭榮三葉又報瓊林占一枝  
槐鼎他年繩祖武青雲得路未嫌遲

絳帷曾讀課孫篇培養蘭蓀近十年天上神仙唐李泌  
相門經術漢韋賢祥徵果應凌冬菊

辛卯除夕恩福堂中盆菊盛開

文

筆欣看出水蓮會卜科名相繼起秋風澹墨更書瓊

朱實士觀潮向日圖爲其子晴佳孝廉甘霖作

我昔乘查汎瓊海搏桑十丈升鼉采歸來奇絕詫平生

袖底熊熊紺霞在西馳簞節九曲山盤陀一片光爛熳

台星斂耀上天去尙留幻相驚愚頑實士爲石君相國之孫相國自號盤

陀老人竭來賃廡依高閣余自江右還都僦相國舊第東偏老屋以居徧讀遺

編感存歿已從梅石悟三生更向鮒山賡七發相國有梅石觀

生圖岱宗崩劣滄波深韋平世澤無黃金雲搏水擊家聲

舊莫負朝陽捧日心

張中遠上舍曜孫寫韻圖

多情方許列仙班  
偶躡脩翎自往還  
人世不知金闕事  
祇疑遊戲到塵寰

研光鳳紙曉霞舒  
腕底春雲乍展初  
莫把長生丹訣寫  
幾人曾讀上清書

綽約仙人色不歡  
怕從上界拜神官  
銀笙譜出雙聲調  
不信璇閨問字難

點金辟穀乏神方  
營室錢難二萬償  
若使瑤池真富貴  
肯懷鉛槧爲人忙

六月十二日奉

命典試浙江翊日

召對 勤政殿面奏試竣後乞假省親得

旨俞允恭紀四首

御園雨霽敞清虛翕翫千官列

玉除冷署正逢雙日直

是日國子  
監值日

恩綸新下五雲書暫辭槐市談經席忝奉英函伴使車

雲水光中頻洗眼尙教孤負此心初

竹箭東南品自尊此邦多士盡蘭蓀持衡夙重宗工選

特簡真叨

聖主恩

浙江正考官以四品充者 國朝惟  
蔣文恪溥鄒協揆炳泰二人而已

吳越文章

原合轍淵源津導溯師門

吾師湯敦甫陸心  
蘭兩先生皆浙人

空箱試檢

麻衣看尙有當年涕淚痕

海天閩粵御長風錦水章江萬里通宦轍宛隨潮下上  
掄才又到浙西東錢塘門外濤頭白鳳唼堂前蠟淚紅  
多少孤寒齊鵠立煎茶漫詡學坡公

預想清秋一舸飛故園何幸暫旋歸人誇前度持龍節  
帝許還鄉著錦衣廿載家山勞遠夢三年甘旨戀慈闈  
遙知上壽高堂日菊酒延齡螭正肥

星齋服闋入都偉卿招同小集卽席和偉卿韻并  
呈星齋

司馬才名盛卽官宿望誇十年驚歲序兩鬢各霜華而

我獨行役將乘千里查故人珍重意且爲駐鋒車

出都

匹馬東南去渾河日夜流秋風吹雨腳斜景閣峰頭天  
意憐行役淫霖宿昔收西山殊婉變相送似勾留

宿良鄉

菰蒲槭槭繞荒城初聽寒蛩第一聲涼氣被池侵四角  
愁心秋點轉三更鳥當倦後飛偏急鳥欲嘯時夢不成  
遙想阿同岑寂甚小窗無侶擁書檠

蚤發涿州

暑雨新晴宿靄籠漸聽易水起西風曙星三點欲橫北

蟾魄一鉤初上東萬樹垂楊迎驛騎滿天涼露咽秋蟲  
寒衣擬索閨中寄已隔經年尺素通

趙北口

遠澈微茫映曉霞估帆疎密雁行斜鳬翁浴罷唼蓮葉  
燕子飛來銜蓼花竿影當風人曬網杵聲如雨女柔麻  
江南此景還應勝太息吾生未有涯

曉發任邱

露華濃上豆花肥抱葉寒蟬靜不飛昨夜前村秋雨過  
曉來涼氣透單衣

景州道中阻水至張秋岑孝廉維崧家小憩孝廉



以舟相送作詩謝之

地名河溝距景州三十里

巨浸迷漫隔廣川  
靈查無計覓張騫  
欲尋陂底龍君杖  
化作天邊太乙蓮  
問波偶停高士宅  
淩波肯借孝廉船  
成連一曲移情甚  
邂逅欣諧翰墨緣

### 桑園鎮渡衛夜至德州

扁舟橫渡亂鳬鷗  
重到山東第一州  
漳衛共流清濁派  
燕齊分占古今秋  
長隄落日征驂急  
積雨新晴暑氣收  
詰曲正愁前路遠  
西南纖月又如鉤

### 徒駭河

滔滔東去指狂瀾  
欲障長河一手難  
千古名言存賈讓

八流先閼恨齊桓于今故瀆資分泄側想神功水不刊  
誰說遺蹤同碣石淪湮空問海漫漫

發平原冒雨至禹城

銅輪昨銜山雲氣承如慢涉波豕負塗啄蟻埴鳴鶴征  
夫畏淫霖夜坐發長歎攬衣撫庭柯矯首望雲漢纖氛  
屏四隅星斗光正燦豈知暘雨占造物固難算中宵天  
瓢翻凌厲勢迨旦秣馬問前途極目驚浩汗荒墟杳無  
人古驛訊都斷回回原隰平混混溝塍亂欲濟無津梁  
遵路失畔岸水深行及磬淖陷已沒骭遄迴至禹城視  
景日云吁僕夫告饑疲弭節且投館我生本勞薪蚤歲

事游宦頻年奉英函艱險固所慣回憶十載前六月憂  
旱暵伊余使南閩過此夜將半驚霖挾雨來興僕颼颼  
竄悠悠人事過忽忽流光換炎蒸渡瓊洋秋雨馳雲棧  
寒暑久飽諳饑渴豈敢憚所慮兼旬陰秋稼行將爛注  
霖儻不止那免其魚患遙望岱宗雲倏忽示變幻安得  
起長風一夕爲吹散

大雨渡汶水至崔莊

擎空黑蜨挾風雷又注天瓢萬斛來雨氣沈冥連海岱  
雲陰儻忽失徂徠滔滔清汶西流急莽莽齊煙北望開  
日暮且投孤館宿長吟梁父使人哀

鄴城道中望馬陵山

秋風鄴子國斜景馬陵山東望樓雲舍迢迢百里閒講  
堂今俎豆福地舊瑯嬛回憶趨庭日空餘涕淚潛

渡江

十年不踏金閶路夢想家山月幾回今日重銜

恩命出扁舟又過大江來遙知弭節三秋後定博慈顏  
一笑開傳語舊時猿鶴侶祇應相諒莫相猜

贈熊墨樵大令

纔送雙鳬去富春重逢鑠院倍相親我慙坡老無佳什  
君有嚴陵作部民乍領簿書知未慣細論文字想前因

十年此夕章江夜記否龍光隱劒津

白胥江櫂小舟旋里喜遇猶子同福次子同爵來迎

扁舟一葉越裝輕心急翻嫌百里程故國又持龍節過  
新堂真合綵衣名遙看漁火微微閃漸覺鄉音字字清  
特遣汝曹來有意慈親此夕倍關情

擬古

浮雲日以深游子日以遠秣馬戒首塗忽歲將晚苦  
霧泣叢條嚴霜被長坂望雲雲不見冰雪關山滿崦嵫  
急景隕原隰枯荻短浮雲有時還游子何日返

涼颼厲鴻翼嘹唳時一聲嗟爾何爲者肅肅事遠征旣  
爲稻梁計那免矰繳驚銜蘆縱有智弋人終無情天宇  
自寥闊何不翔冥冥江南足鷗侶莫負煙波盟  
我本麋鹿姿山林愛幽討自從綰朝簪郁夷長載道十  
年函簞馳兩鬢飛蓬槁憂勞易戕性安得顏色好秋風  
舉莼絲春日樹葭草回首隔江淮離思滿襟抱

### 曉發桃源

木落風高曉角清霜華如雪馬蹏輕似聞寒夜唳烏怨  
慙聽村農叱犢聲蕩節初回仍奉使蘭羞久闕待躬耕  
君恩雖重親年暮莫道思歸太不情

有感

人子朝暮出倚閭尚傍徨千里與萬里極目何能望  
指忽心動引領祇內傷伊余髫髻時隨侍於胸陽山城  
霜月苦講舍秋風涼母續兒夜讀共此鐙燭光兒方治  
毛詩讀至四牡章掩卷忽有感清淚含兩眶阿母願兒  
笑願兒學范滂矧當

太平時馳驅敢或遑男兒志四海安可戀故鄉長跪謝  
阿母教兒以義方忽忽四十載旅力猶幸剛于嗟奉英  
蕩何如執稻粱

任邱道中終日大風寒甚

昨朝霜凜兼霧凙琪花瑤樹堆層層河閒班班車夜發  
雪花朵朵寒淩兢甘滋雖未潤宿麥飄瞥已覺鋪寒腴  
今年喜見第一白快歌飯饔誇祥徵那知疾風動地至  
勢若萬馬來奔騰平沙漠漠捲埃壘朔氣浩浩盤雕鷹  
巽二施威滕六避形雲斂盡金雅升方今

聖人正御寓胡爲往往占風恆計食未能人四鬴望歲  
或可穀再登遺蝗明春儻蠕動所恐饑饉嗟頻仍夕陽  
鄭州城外過九十九淀凝堅冰積垣四垂大于礪危隄  
一綫高懸繩陀牀穿林疾過鳥漁船上岸空無簪筍將  
飛揚似退鷁從者瑟縮如枯蠅呼來與語若槁木口不



能答以臆膺夜投雄州宿孤館被池四角寒生棲我從  
南海徙北海壯志欲駕扶搖鵬邇來筋力勦行役歲歲  
寒暑星軺乘霜華欺人雙白鬢風淫泛骨三折肱刀圭  
欲調上池水越人袖手稱無能卽今趨  
朝不數日奉使遼瀋

恩光承盧龍截桌滃塞闊巨鼇肩鼉滄波激醫巫閭下  
天莽蒼大淩河畔冰峻嶒畫循柳邊拾松塔夜坐茅屋  
樊榭鐙白雲南飛望不見但望

京闕神爲興文章報

國信何益頭銜自笑丞哉丞

簡書可畏敢來諭  
慙對招隱山中朋  
排籤十指呵壁問  
起視皓魄周除凝

雄縣對月

行役仍殘歲辭親記昔年

壬辰奉使江西十二月望宿此

今宵望明月

三十六回圓路斷通遼海書難達  
薊燕長征殊未已攬鏡感華顛

新城壁上見同年陸立夫編修建瀛詩卽和其韻  
朔雪炎風感物華記從禾隴汎星查  
臨流聽唱公無渡就岸牽船路恐差  
水抱孤城龍作窟雲封百堵雁爲家  
歸車曉碾層冰過賸有枯楊茁怒芽

七度河

在三河縣東

頑鐵真成鑄六州錯橋

橋名今廢

鳴咽水西流停驂七度河

邊望一度征人已白頭

邦均道中微雪和壁閒裘文達韻

麥塍枯待澤黍谷暖吹均微雪飛仍薄寒山畫不眞恒  
陽過浹月幾日又新春

齋邀祈年意何由慰

紫宸

時

上祈雪黑龍潭

玉田

綢繡紫氣漾晴川樹杪銅鉦一點圓近海樓臺銀作闕

滿山冰雪玉爲田抄來雲子香成屑露出峰尖態似仙  
欲訪楊公高隱處蒼蒼八柱起寒煙

度溷水

一名還鄉河

孤峰淩夕月

山名

前路指渝關溷水東南去行人何日還

那堪背

京闕更唱念家山橋下流嗚咽如聞涕淚潛

思鄉橋懷古

危橋駐馬泣斜陽五國城中塞草黃良嶽已荒神鼎徙  
不知何路可還鄉

無終懷古

矢山詩集卷之二  
射策聲名動帝都。片言悟主媿嚴朱。無終山色青如舊。  
還有當年徐樂無。

雄心誓欲掃烏桓。遺恨終難謝伯安。讓得侯封成底事。  
盧龍已賣與曹瞞。

又詠田子春

奉使閒關達帝闕。歸來無力報公孫。捐軀智已輸程緒。  
劫首豪應愧尾敦。白馬竟淪州將士。烏丸猶感使君恩。  
如何轉導曹軍入。長使幽并氣欲吞。

灤州旅館題壁

雨行人笑臧孫聖。服弊誰憐范叔寒。曾向蕪蕪亭下過。

莫將一飯等閒看

盧龍立春

灤水蹙冰聲天高右北平  
春生孤竹細寒壓萬峰晴  
冷磧盤雕地殘年射虎情  
故鄉歸未得回首望

神京

度渝關

白狼堆外暮煙低磧迴沙平  
沒馬蹏凍日漸沈榆塞北  
春風不到柳城西律回殘臘寒逾勁  
夢繞高堂路亦迷  
茅屋數椽蟾魄上可堪愁絕聽荒雞

偕董子遠上舍思誠登澄海樓

冰鑑晶瑩朔氣迴樽桑萬里耀金虬獨攜南國無雙士  
來上東瀛第一樓禹迹千秋淪碣石齊煙九點指神州  
憑闌不敢高吟歎炳煥

天章在上頭

出山海關

王氣東來接柳條長城西去盡臨洮雲屯萬雉環山海  
天設重關割薊遼三輔風煙開莽蒼

兩京筦鑰鑠岢嶷鯨波不動蒼煙碧億載

皇圖鞏

聖朝

姜女祠

精魂萬古繞秦城  
化石中心尚不平  
聞說多財巴寡婦  
高臺巖臬築懷清

茫茫紫渤俯危磯  
回首塵寰願息機  
三十年前神告我

長城姜女送寒衣

余年十六在海州將歸應試  
禱於神得姜女寒衣之兆

紅牆子

雪擁晴沙白雲蒸  
夕照黃海光搖碧  
玦山影壓紅牆回  
首雄關遠何年戰壘荒  
長城眞自壞失策笑熊王

宿中前所

淒清畫角卷行旌  
初入遼西第一程  
罔兩夜游風四壁



髑髏人語月三更波回紫澗冰皆立山過青城勢不平  
卻望燕雲關塞隔那堪棖觸故鄉情

暮抵中後所

積雪連天海氣腥暝煙猶似陣雲停沙埋戰骨千秋白  
風颭神燈萬點青人跡踏冰鏘碎玉馬蹏敲石迸寒星  
山城爆竹春雷響無限淒涼不忍聽

度大凌河

鷹隼呼風雁跼哀大凌河畔雪皚皚人行冰上春無迹  
山入遼陽勢漸開鐵騎三千環雉堞

天閑十二育龍媒

聖朝威略超前古汗血何勞絕域來

禿老婆店

東風初度女兒河駐馬荒村一笑過淺水桃鬟羞灼灼  
遠山雲髻失峨峨曉粧鏡底吁嗟久夜話燈前掩抑多  
擬學坡翁說春夢不堪雙鬢已婆娑

望醫無閭

王氣龍蟠億載長白山分脈到遼陽星占營室臨東海  
帝作高標鎮北荒封牒千年遵舜典藏書萬卷憶人皇  
欲尋西去蜿蜒勢極目飛雲接太行

大白旗堡

參伐垂芒耀陸離龍蛇交影動躑躅桓桓氣想中黃將  
獵獵秋高大白旗烏隼猶疑行壘地風雲常似出師時  
邊塵久靖寒山碧不見遼金紀績碑

人日作家書因題其後

丙申

遼海登高地春風解凍時使星初駐節人日怕題詩京  
國書難達家山夢到遲寒梅花發未爲我數歸期

卽景感懷

渾水波濤汨太虛春風又到雁來初鶴衝殘雪歸沙嶼  
鴉帶斜陽壓草廬千里夢迷京國路兼旬望斷故鄉書  
何時得準還山約投紱躬耕慰倚閭

元夕觀燈

樂郊初到喜豐登且駐蜚輶看試燈萬戶春聲天不夜  
六街人語月如水凜風無復霞綳燦巧製終輪火樹騰  
忽憶高堂稱壽年銀釭瑤珥侍孫曾

贈周雨林參軍湘澍卽用其韻

書記翩翩好曾游弱水西輪臺辭漢月戈壁聽荒雞兵  
甲齊熊耳勛名賤褒蹠搜身臨鐵蓋時向鵲巢棲

玉關笳鼓競薄宦又遼西壯志凌黃鵠雄詞儷碧雞夢  
猶探月窟跡暫阻霜蹠幕府懷人候

謂楊誠材節帥

應憐枳棘

棲

圖鑑堂京兆明阿屬題便面

遼海風回水氣腥  
乘查無計泛東溟  
江南一髮青如許  
輸與千年鶴姓丁

金闕瑤局鎮日闌  
神山未必勝人間  
幾生脩得如徐福  
纔到仙風便引還

萬里長風卷怒濤  
魚龍吹沫浪花高  
前頭峭壁嶙峋甚  
莫到臨時始著篙

轉頭翻悔落帆遲  
千里蒹葭繫夢思  
何日扁舟江上泊  
蘆花深處任風吹

題畫

山坳古寺白雲封谿碓無人盡日春午枕夢同琴筑響  
不知何處上方鐘

結簡茅亭俯碧流竹林斐几最清幽興來拓戟狂歌發  
驚起沙邊雙白鷗

閒籌家計攜魚具舊署頭銜作釣徒笑煞季鷹游洛後  
秋來始解憶蘊鱸

逢萌祠

挂冠泛宅效鴟夷同首家山指不其海外豈知王氏臘  
晚年終見漢官儀淒涼黃鵠興謠日寂寞元亭問字時  
應笑披裘垂釣客姓名猶被故人知

九月朔陪薩湘林侍郎迎阿登慈善寺樓卽和其

韻

柳邊商籟動莽莽萬山秋天近重陽節人登百尺樓

遙霜葉下溟渤水痕收賴有同心侶澄觀得快游

湘林題樓

額曰澄觀

其結西方社閒傾北海觴天懷真浩蕩餘事到文章過  
眼雲衣白無言菊蕊黃小乘禪可證與道豈相妨

九日感懷和湘林韻

秋風吹作十分晴爲怕登臨嬾出城兩月不來鴻雁信  
三年長繫望雲情南屏松徑霜鐘動西閣珠簾暮雨行

去年九日在杭  
州前年在南昌  
重把茱萸成獨客  
海天節物倍淒清

奕潤峰將軍經所藏陸士衡平復帖詒晉齋中墨

寶也湘林侍郎借觀臨撫雙鉤一本頗自矜詡遣

僕馳送幕府不覺失去將軍作詩謝之索和原韻

朱邸琳琅富春卿筆札工借臨珍副墨馳送遣丫童化

翩元能幻開函竟達空索求勞象罔盤曲想蜩蟲已失

延津劍難歸魯國弓重摹波折隼兩度雪留鴻湘林懷惱竟日

更臨逸氣凌元宰帖有董文敏跋仙書學呂翁湘林在伊吾得呂真人墨書楹

一本更聯韓孟句韻事入詩筒

送德臨臯侍郎興移鎮泰甯



清秋

鳳詔

九重頒文武才兼綴兩班

帝念弟兄官梓里

指愛棠

天移旌節護

橋山龍城月冷繁笳動虎帳風高大旆還五載東郊棠  
蔭滿歌聲一路到渝關

離情已逐水西流且盼飛鴻信宿畱後會好沽燕市酒

澄懷空對海天秋餐英香澹思元亮

前數月惠盆菊

饋歲詩成

寄子山若遇故人相問訊冷官無事似閒鷗

賀德愛棠侍郎春調任 盛京戶部

功名端合繼難兄廿載鵷班接跡行迭筦清曹承

寵命

君所筦盛京兵部戶部皆代兄任

尙畱同叔在

陪京連鑣其說文壇宿判牘眞羅武庫兵幾日對牀聽  
夜雨離懷應怕數歸程

紀夢示子遠

養堂初闢未成歸苦欲抽簪願尙違入世漸忘官爵好  
辭親總覺宦游非江南秋老花無恙塞北風高鳥勑飛  
何日買田陽羨去與君同息漢陰機

湘林侍郎以詩贈別次韻奉酬

紫芝爽氣見麋衡績著三湘更八城奕葉金貂承舊德  
陪京筦鑰寄清卿龍堆詩挾風雲壯棠茇歌傳水鏡明  
磊落襟懷沖雅度照人朗朗玉山行

久耳聲名重華衡相逢喜在瀋陽城纔投縞紵通蘭契  
又奉

絲綸佐棘卿別緒三春花共發素心千里月同明燕臺  
握手歸期近莫羨登仙是此行

十二月望宿老邊卻寄瀋陽諸公

句驪河外馬蹏驕使節西行背斗杓千里歸程初發軔  
一年圓月賸今宵春同臘鼓喧粉社風送邊聲入柳條

歲暮天涯仍惜別何時聯轡共趨朝

新民屯道中

晴沙攙雪白皚皚極目風煙四面開  
海北天光雲外變  
遼西山色馬前來  
難尋百保鮮  
卑手且竭三韓  
捐酒杯  
欲訪東丹讀書處  
平蕪斷碣使人哀

小黑山過王生治成別業

遼海歸輶兩鬢皤  
停驂紆轡到巖阿  
爲尋伏勝譚經處  
其伯思九曾任廣  
文年八十餘矣  
更喜侯芭載酒過  
慧業因緣文字契  
中年情緒別離多  
鑿間山色蒼然暮  
何日重來訪薜蘿

十二月二十三日宿中後所

去年馳傳出渝關曾記今宵駐此間一載

陪都持觴節重過編水唱刀鐙瓜期且喜符初願松徑  
何由得遂還聊與塗槽判一醉那堪殘歲念家山

宿廬龍壘去年題壁韻

駐馬廬龍塞風煙雉堞平春先三日到

除夕  
立春暖釀一冬

晴習習流年換棲棲遠宦情莫嫌鬢毛改兩載滯

陪京

丁酉元日豐潤令劉聿南同年遵海招飲安白堂

卽席奉贈

東風吹暖送輕煙釀出陰陰欲雪天  
恰喜新正聯舊雨

最難元日會同年班春已聽輿謳協餽歲仍叨地主賢

忽憶符離城外過清樽相對倍蕭然王辰除夕過宿州同年張白也刺史

方振飢雷  
子度歲

記向梁園赴幣招繁臺高會列瓊簫詞人競欲抽麟管

妙手爭看奪錦標戊寅五月今大司寇史公督學中州以錦標賦試士君名列第一余時客

公幕中忽忽廿年添雪鬢恩恩兩度駐星輶玉河橋下春

波長重仵雙鳬上絳霄

### 新正三日玉田道中

土膏初潤水潺潺石氣煙光澹蕩閒凍草有心知戀日  
好雲無力不歸山已看垂柳回春色定有寒梅發故關

底事長征人未倦可堪攬鏡鬢毛斑

晏蔗鄉孝廉所屬題郭蘭石字冊

斯人不可作絕調廣陵琴直道存風節虛懷洞古今  
龍蛇符夢識梁棟竟摧沈豈獨觀遺墨彌增思舊心

臨臯以詩見寄次韻奉酬

巽命新從

朵殿頒蛾眉重許綴清班身隨

禁樹依

溫室夢逐飛雲繞故山回首三韓燒燭話何時一櫂度  
江還直廬清切春光滿獨對寒蟾自掩關

溫嶠真成第二流  
當歸頻寄更淹留  
萊衣春永空藏篋  
潘鬢霜添豈爲秋  
乳燕營巢棲未穩  
垂楊踈地住無由  
宵分怕聽烏嘯急  
輸與江湖浩蕩鷗

澄懷南垞卽目

淺草綠陂水滿池  
游絲倒影漾淪漪  
三天退直渾無事  
獨倚春風聽子規

端五日程子廉舍人正棨招同楊疊雲方伯殷邦  
游尺五莊卽事感賦

澱懷水木氣蕭瑟  
西山窈窕開晴嵐  
幽人隱几拓北牖  
五月疑有秋光涵  
今朝休沐入城市  
索居嬾似三眠蠶



延年空懷獻綵縷封鮓欲寄無魚甘舍人牢愁企騷客

折簡招我游城南右安門外草橋北新葉澹蕩搖澄潭

滿塘柔葉響械械半天高柳垂穆穆空亭小憩泛醺淥

岸中歌嘯驚高譚婆娑迎神記炎徼韶臺雙闕明差參

戊子五日余過韶州與疊雲盤桓竟日騎田萌渚妖雪淨話到凋瘵酸辛

含指連山人即從此地溯陳跡廿年歲月過趨趨故人

徂謝委黃壤戊寅己卯間屢偕邵蘭風鞠泉周遠香諸君觴詠于此我亦兩鬢成

盤髮笛聲慷慨感向秀花時怛悵逢何戡觀河幻泡悟

生滅妙諦悔未皈瞿曇世閒境遇豈有定得少佳趣心

生貪天衢日日走堀渠濯纓何處求清甘行人自興濠

僕想到此不覺停游驂幽樓我本寄霞外挹茲一勺何  
足就況憶毘承湖上宅風荷千頃鋪雲藍天光波影足  
俯仰安事局促羈朝簪談忠說孝兩無補盈机堆案四  
不堪家山如此不歸去夢對猿鶴能無慙逝將投劾返  
三徑湖田深處安茅庵明年五日觀競渡細斫鯁鱸烹  
江蚶枇杷飽啖貯筠籠茗荈新焙攜都籃黃山之松白  
門柳

舍人原籍休甯  
方伯僑居白下

徑浮一舸窮幽探

偶成

雨打新荷十畝陰幽蘭一曲託瑤琴廣平偶作梅花賦  
肯易當年鐵石心

楊花糝徑海棠飛遙想江南筍正肥昨日故人書札到  
殷勤藥裹寄當歸

伏日休沐

休沐歸來一事無何由懷肉對妻孥蓮心自苦花如笑  
竹節逾堅色不腴錯認敲門喚啄木偶思沽酒聽提壺  
高堂溫清頻年闕慙愧空書六癸符

湘林新得趙松雪墨蹟縮臨素箋見寄賦此奉謝  
依松雪詩韻

澁懷伏日暑氣清敞門疑是啄木聲仙雲一朵東海下  
開槭頓覺雙昨明王孫墨蹟世希有百十二字珠璣傾

臨摹筵頭遠相寄寘之懷袖清風生重尋詩句感深意  
似諷遠宦應歸耕白雲南飛望不見溫清久闕非人情  
行當投紱還故里采藥烏目凌崢嶸招攜藤橘負巨扇  
指揮叱石從初平

庚寅夏日偕同直諸君觴集澄懷園藤陰老屋觀  
荷忽忽八年矣聚散存歿棖觸余懷率成一律呈  
春浦侍郎

眎眎凌波豔十分蹇脩好把戒香薰記陪高譙傾三雅  
擬續清游詠五君數畝連漪驚驟雨頻年蹤跡感停雲  
謂季思慎臨池忽憶滇南客惆悵蓉城日又曛池籬庭  
生兩學使司業已

歿

湘林侍郎寄示春日對梨花懷潤峰尙書及余之作走筆奉和

風荷厯亂飛秋雲金臺落月頻夢君鏘然一聲石芝折  
覺來千里懽情分感君書箴遠相寄筆勢超逸過羊欣  
今朝長篇重惠我咳唾珠玉含蘭薰爲言樂郊勝香國  
門前玉雨吹繽紛所惜故人不同賞孤吟何以張吾軍  
我讀君詩憶疇曩元戎坐上同論文秋原聯騎訪古剎  
笑傾紫漈顏微醺巢痕又依

溫室樹驪歌疊唱思紛紜渝關茫茫春信隔離抱兩地

空殷勤勸君憑闌莫惆悵猶幸消息時相聞素心期君  
似此樹百花開盡方揚芬報章請從尙書後白鷗敢與  
鵷鸞羣

秋雨述懷

深林積秋陰涼氣卷飛雨商飈忽以動蟋蟀鳴我宇退  
直自掩關索居誰與語遙望江南雲渺焉在何許日暮  
更淒涼繁聲起寒杵燕臺秋節換客子尙單紉呼童理  
盞篋狼籍到巾屨多慙紆簪纓感我長羈旅

食筍齋晚坐

高樹已黃葉閒庭猶綠陰林深積秋氣日落動鄉心雲

表鳥雙去階前蟲一吟涼風忽吹送淒絕擣衣砧

寄湘林

園池羃層陰落葉紛可埽凍雨泣叢條回飈偃庭草獨  
居意尠歡矯首望遠道遙想關山秋應比燕臺早猶憶  
去年時與君在

豐鎬霜郊騁遐矚古刹凌霄顚平撻六邊雲俯睇三神

島激觀滌煩襟長嘯向晴昊別來忽一載坐覺風霜老

長筵感空廬

謂春海

班荆割離抱

春浦淪齋俱出視學

憂勞易戕性

安得顏色好寒聲起暮砧孤夢碎如擣悠悠江南波擾

擾遶東藻秋期已及瓜渚蟹正輸稻讀君瓊瑤篇

寄示餽瓜

餽蟹二詩令我歸思浩何當謝簪纓脫身事幽討

古誼久不作凜風一何微交游滿海內常苦知音稀  
晚見君子威鳳騰光輝霞標神宇澈玉屑清言霏立身  
植矩矱處世羞脂韋古稱直諒友如君其庶幾余旣趨  
北闕君尙留

東畿書札通殷勤千里遙相睎繫余雖承乏昕宵侍  
經帷顧念八旬母陟屺時長歛崦嵫急景迫鵠雁隨雲  
飛徘徊未能去有淚不敢揮行將歌來諗躬耕著萊衣  
計君還

朝時予當蚤旋歸人生志氣合豈在出處違助哉崇令



德消息觀道機

題聽松圖

爲杭州駐防佟就園防禦作

戊戌

前年獨上高峯塔夾路松風環鈴巾下方雲海青濛濛  
萬壑笙鐘相應答去年走馬松山城虬枝百丈晴空撐  
盤巫閭前渤澥闊蛟龍吹笛波濤驚流光忽忽催人老  
三徑就荒何日掃夜來小夢倚高樓靈鞠華芝滿松島  
會當騎鶴返故鄉萬松嶺下同徜徉飢餐伏苓金粉滑  
渴飲朝露珠璣香

錢生福元慈竹平安圖

閒庭春永影檀欒解帶思承菽水懽一鞠酸辛游子淚

琅玕灑徧祝平安

階前玉筍迴清修欲上青霄不自由  
翻羨蓬蒿三徑裏  
葵心菊腦奉晨羞

我欲歸休六枳園卅年游宦愧何蕃  
長生空寫嵇含賦  
難畫慈雲一縷痕

仲遠屬題綠天秋意圖

萬綠回環永晝陰一天涼意靜惜惜  
燕臺無限悲秋士  
誰識先生大隱心

陔蘭階草綠千叢歸計遲回六載中  
畢竟季鷹知我意  
挂帆原不爲秋風

惠邸招同杜芝農學士受田徐惺菴學士士芬賈  
筠堂侍講楨孫符卿編修瑞珍游鳴鶴園應教

鳴鶴嘉名錫飛翬舊構存

絲綸新拜

賜花萼永銜

恩蔥蒨依

宮樹連延接

禁垣梓材承樸斲桐葉煥屏藩地迴伴仙島朝回集畫  
輜賢王偏愛士暇日爲開罇早夏時光麗斜陽景物暄  
激懷聯四友休沐趁三番班忝簪毫綴文叨授牘論幸

陪公讌求常奉霽顏溫野菽羅芳脆珍肴進炙燔飲醇

榮設醴飽德感傳飡味擷詩書雋音蠲竹肉喧特教窮

勝槩頓覺滌塵煩仄徑青莎踏幽岑翠葛捫臺高迎爽

氣池皺過風痕蘆荀參香界

園中有二樹花小而白馨烈異常

芡蒲隱

釣艣疎宜添月榭靜欲認江村麗菽藤垂港玲瓏石作

門欄迴攀傑閣簾卷敞層軒璀璨陳圖史爛熳列鼎甌

茶煙封屋角墨沼浸雲根綠嫩庭篁擢紅嫣砌藥翻林

泉看入妙魚鳥澹忘言橋瓦長虹臥亭孤彩鳳騫有峰

皆玉府是水卽璿源更喜清華湛無勞畚築繁塗丹功

尙待守素意彌敦度仰謙謙示祥徵止止蕃儉惟恭所

致厚乃福之原爲善饒真樂勤思答

至尊頌兼規其獻辭賦陋梁園

附惠邸和作

逸趣園林敞前徽誌詠存西牆開老圃

北闕拜

新恩未暇輦承宇惟將螭飾垣列峰如罨畫折柳亦  
籬藩陋漫譏蝸舍閒還挽鹿轡偶停名士屐爲設酒  
人罇野藪無珍味輕陰有嫩暄暢懷惟竟日行炙或  
三番餽啜堪觀法煙霞共討論垂楊千縷拂新茗一  
杯溫冠蓋軒軒集沈檀細細燔對山餐以秀呪筭待

爲殮幸挹琴書味殊忘鳥雀喧片時師訓接頓滌俗  
襟煩緬昔身親炙于今手自捫瞻星初入直立雪每  
量痕嘗學勤爲牖迷津渡以膺課詩追栗里陳稼述  
花村抑抑儒師範存存道義門記從持使節遂爾擁  
轡軒博取宏珊網搜奇貢寶甌兩回提玉尺一氣證  
靈根真鑑溫犀照文瀾峽水翻士方勤日課駕乃返  
星言雛鳳聲能繼祥鸞羽又騫職仍清且要道自得  
其源適館簪重盍趨朝露正繁望雲心每切安土度  
彌敦載誦詩篇富從知祉祚蕃愛人真以德勛我福  
之原學步明同調心香奉一尊銀章青綬貴雅譽媿

東園

閏四月十一日以母老陳情拜疏乞養仰蒙

恩允感極涕零恭紀

陳情一疏達

璿除

詔許還家賦遂初八秩衰親違定省六年遊子夢門閭  
未遑求祿資三徑敢說高蹤企二疏聽徹林鳥唬往復  
此行原不爲鱸魚

宿雄縣

青鞋布襪紫綸巾誰識

中朝侍從臣祇爲蘭陔增遠慕徑辭

楓陛乞閒身魚殮已近江南味馬首猶霑薊北塵十二  
橋邊舊鷗侶也應相見倍相親

河閒見黃韻珊孝廉憲清支少鶴庶常清彥題壁  
因書其後

拙宜樂府最清新黃九才名迴絕塵多少公卿求識面  
不知誰是護花人

支生身到鳳凰池四十成名莫歎遲讀到壁閒好詩句  
天懷澹定少人知

富莊驛和壁閒蔡雲士同年廣颺韻



手網珊瑚七尺稀嶺南風物料全非祇今唯有珠江月  
還逐停雲一片飛

平原道中

莽莽齊煙入望開沮洳龜塢委蒿萊九河故瀆紛難紀  
不信今無賈讓才

涼露空濛裏白沙半天高柳溼棲鴉行人繫馬月剛落  
開徧高原苜蓿花

宵征涼氣似清秋向曉停驂旅館休贏得此心無熱惱  
果然五月可披裘

宿岔河

又入江南境愁顏一笑開路猶千里隔人自九霄來前  
月書應達高堂盼幾回歸程頻屈指夢已繞蘭陔

懷魯通甫孝廉一同

并敘

出都日宿黃邨旅店見壁間題詩格律清蒼書法雄  
秀擊節稱快歎爲奇才道經山左每憇逆旅往往見  
之翫其筆意疑是魯孝廉作也孝廉山陽人爲徐辛  
庵學士門下士今年春學士以其闡作見示高華沈  
實迴異時流乃勝發竟不售豈以斯才而終淪落乎  
予雖未識孝廉然神交久矣輒成長句俟它日驗之  
每到旗亭倦眼開不須紅袖拂塵埃人疑燕趙悲歌士

詩帶幽并逸氣來滄海豈容巢父臥巖廊終遲長卿才  
小山詞賦長淮酒獨佩吳鉤上釣臺

知止齋詩集卷第十二

常熟 翁心存 二銘

古今體詩七十八首

起戊戌抵里後家居養親庚子辛丑連有海警數往還郡城作

鄉耆社集圖

道光丙申春吾邑王菰齋觀察家相致仕歸四月二  
日集鄉之耆宿會於城南之西莊水閣觀競渡泛舟  
湖山飲酒盡懽而罷明年四月復會焉與是會者俞  
穆堂封君廷楣言皋雲太守朝標龐鈞巖上舍非熊  
楊訥庵上舍景聖宗牧厓貳尹德懋龐叶鳳封君德  
輝胡翠岑廣文靜之黃琴六茂才廷鑑李春海少尹

仁榮陸蘭舟茂才經蔣伯生大令因培宗補齋茂才  
德潤凡十三人俞封君年八十五齒最高言太守次  
之諸人亦皆年過七十鶴髮童顏精神矍鑠鄉人聚  
觀嘖嘖稱盛事爰屬胡芭香駿聲繪圖而琴六爲之  
記未幾龐上舍歿明年夏王觀察蔣大令俞封君相  
繼謝世圖中人僅存其九矣盛會難再良可慨也

虞山峰巒巒尙湖波鄰鄰山水氣清曠中多澹蕩人枌  
榆集者彥觴詠陶良辰行藏各殊趣語默皆天真維舟  
柳陰下魚鳥來相親是日雨濛濛楊花飛白蘋湖田喧  
競渡簫鼓填城闌鄉人自娛樂豈知弔靈均一笑姑置

之且傾若下春宣尼亦獵較何傷風俗淳

鴻鵠翔高冥燕雀賀大廈微尙各有存立志豈相假嶽  
嶽王先生憂樂繫天下一疏動

至尊直聲震朝野精誠

天自鑒碩畫知者寡繫豈私一鄉元氣賴陶冶整豸巡  
淮西治書燭每炮引年謝簪紱餘事到杯竿奄忽梁木  
摧知交淚如瀉東南盡尸祝奚獨祭於社

昔者文潞國高會聯耆英華堂闢僧舍圖畫徧雒城老  
成旣引退新法方紛更溫公晚一出功業竟未成徒令  
千載下景仰羣賢名茲會偶然耳人數適合并敢云繼

前軌所幸逢

昇平飲食安

帝力江湖忘宦情  
年年社飯時尊酒  
猶共傾飲罷課南  
畝及時事春耕

黃牧邨桃溪戲樂圖

林深路千盤  
日出花四照  
中有餐霞人  
垂綸坐長歎  
澹君鸞鳳姿  
丹穴戢輝曜  
婉婉長離翔  
旌招應

明詔逝將淩紫氛  
羽儀振廊廟  
先生徑謝去  
挽駕頭屢掉目營巢父  
竿興寄仕公  
釣春風無世情  
逝水觀道妙  
扁舟成獨往  
荒蹊展遐眺  
翻笑武陵人  
比隣有同調  
濠

梁迹已陳真想企壺嶠悠悠桐江波芳躅庶憑弔

三月十二日周鶴儕王福招同龐子方大塋泛舟

看花雨阻不果

己亥

春風湖上來吹作四山雨曾陰變寒燠薄靄滿林墅幽  
人耽僻靜獨坐無與語不知春已深開徑但延伫良朋  
折簡招爲我具雞黍盍哉展襟期得此素心侶願言漾  
輕舟挂席汎烟渚滂沱勢逾急遊攬興因阻良辰不易  
得嘉會動多沮芳菲幸未歇禊事儻可補

老圃秋容圖爲龐叶鳳題

秋容寫出玉精神嘯傲湖山自在身合與



太平添勝事耆英高會十三人

尙湖春汎木蘭船秋日仍開杞菊筵難得鳳雛能養志  
應門持酒盡名賢

毘眼疎籬帶水斜秋潭倒影燦雲霞繁葩寒豔紛如此

不數城東菊隱家

管虹橋明經居城東蒔菊最盛明經物後菊圃久荒矣

茗香堂畔月黃昏

王荈齋先生

一角山樓靜掩門

蔣伯生丈

今歲

秋高重讌集圖中省識九人存

我亦星星感鬢絲廿年孤負菊花期拒霜傲骨稜稜在  
珍重寒香晚節時

徐亮春小照

廿年不見徐孺子一笑相逢驚老蒼行徧天涯游已劒  
而今我亦鬢成霜

煮茗焚香讀道書近來蹤跡溷樵漁有時拋卷渾無語  
靜看孤雲過太虛

周句鑪歌

并序

乾隆戊申夏吾邑翼京門外民鋤地得古銅器俞新  
甫太守廷相以萬錢易之其器橢圓口徑一尺九分  
中窪旁聳腹徑一尺二分底徑九寸二分深五寸四  
分中高五寸五分兩旁高六寸五分底中央有柄長  
四寸上方末銳通高一尺五分前後篆銘四行自右

旋左各二行銘下皆霽紋環之聳起銳頭十八底界  
橫帶一道霽紋布滿柄近底處八分稍博前後隆起  
乳各十八左右乳各十二容一升六合重五斤五兩  
五錢以今尺權量準之如此銘文凡三十九叔冶鮑  
氏份釋之曰惟王正月初吉丁亥姑馮胡同之子擇  
乃吉金自作再右鑊以樂賓客叔季父族子子孫孫  
永保用之又曰鑊卽翟上插雉羽樂人執之詩簡兮  
所稱右手秉翟者也虛庵張氏承露筱軒吳氏憲激  
糾鮑之失謂鑊文通銚銚溫器也吳氏又謂銚形類  
鑊卽刁斗其說良是叔季二字張据許子將鍾定爲

我及右字吳据仲駒敦定爲句族字吳据分甯鍾定爲兒皆極精審再字張釋爲商而以爲商器吳以爲或用之商祭或聲中商音均近傳會胡字張釋作舌吳疑篆體不類而据鐘鼎文簠字證以爲胡竊謂古人作字隨時損益初無定形不必盡與說文合張氏讀作舌亦未可盡非也案舌庸越大夫見吳語今左傳譌作后而唐石經作舌知今本經後人妄改矣廣韻注舌姓引越大夫爲祖是舌固越中世族也魯哀公十三年句踐命范蠡舌庸沿海溯淮以絕吳路廿六年庸與如皋帥師納衛侯其明年復聘於魯材兼

文武勳猷爛然宜示子孫以昭明德銘云惟王正月  
初吉丁亥以杜氏長厯推之爲魯哀公二十年實周  
元王卽位之元年其年冬十一月越圍吳三年遂滅  
吳時代適合然則是鑑殆舌庸作與樂大司徒子象  
之子宏作旅匱仲之孫伯莢作饋盒皆自稱名惟  
延陵季子之劍不名與此正同義各有當未容臆度  
也吳越之地多以姑名者姑馮當是越地舌氏之采  
邑姑發語辭猶之句吳於越云爾越旣併吳盡有其  
地聞家華族法物留貽載祀三千尙存故土吾吳古  
器莫逾此矣鑑今藏太守季子見嵐大令焯家見嵐

以銘文拓本見示爰爲辨證如右并作長歌紀之

虞山鵠峙姑胥東勢控吳越爭豪雄薶藏神物見光怪  
燭天寶氣成長虹乾隆戊申古鑑出培土得寶喧邨農  
攜來滌濯色蒼黝赤鐫似范姑中銅橢圓中虛下承柄  
規製彷彿鳧氏鍾倨句磬折宣有半上脣中殺旁微豐  
霽紋篆帶繞其腹銳頭十八排牙縱柄環四面乳六十  
只少縣鈕雕旋蟲是古罍器或刁斗以代聚櫟傳朝饗  
滎陽庫中昔有式用之本可兼寶戎其銘三十有九字  
釋者聚訟誰適從舌同之子遠莫紀論世疑是越舌庸  
邱明內傳譌作后字轉洩淥聲相通沼吳戰績亞少伯

霸越秘計參逢同命辭特從仍叔例父在爲子明孜龔  
南方圖經久茫昧采地藉以傳姑馮旌旗太末想姑蔑  
習流屯海通姑熊惟王正月丁亥朔焞焞大火乘蒼龍  
是時天子初踐阼兵氛牛斗寒芒衝君王躬帶步光劒  
俊士盡佩盧生弓六千君子怒黿伏涉江鳴鼓宵烽紅  
大夫定持此鏹從晝炊夜擊張軍容前驅已圍高平里  
妖夢行踐章明宮水流湯湯植鋹鼓震篋篋有鍛工  
三年歲行在星紀越地得福吳告凶甬東竟雪會稽恥  
長洲茂苑生梧桐山川重秀天地朗賀臺飲至酬元功  
玉門金鎖筴果應尹卣悝鼎恩宜隆以妥父兄樂賓客

受書告廟歆祖宗卧龍長埋相國種金象空寫陶朱公  
聘魯定衛通上國庸也獨以勳名終湛盧適楚玉鳧沒  
此鑪猶幸留吳中三千年來闕精彩博識惜未歐劉逢  
我生眼不識奇字忽發異論驚兒童願君什襲寶守器  
古訓世德垂無窮君不見北海螯室延陵劍呖然烏逝  
隨秋風

昨過挹秀書屋細審銘文第十一字乃舌非舌也旁  
有剝蝕痕故拓本不能辨耳尸卽氏字龍敦敦敦中  
氏字可證然則昏殆舌之段借字歟且搢搢湣等字  
今皆從舌又焉知舌姓之舌非本作昏而後乃轉寫



作古歟已亥六月廿七日記

龐氏三孝婦詩

并引

邑西鄉龐氏不戒於火龐翁及二子皆他出獨姑與婦在火及宗祏姑救木主婦救姑俱被焚死嘉慶庚午十一月事也

畢芳鼓翼繞屋飛火雅啞啞鳴告災龐公遠出子未歸龐家婦姑守中閨祝融中夜施炎威高燒周垣連橡椽婦從姑走踰門畿欲出不出心然疑後堂栗主忍奔遺反身入火亟抱持姑先奮袂兩婦隨鬱攸四合火撲衣崑岡一炬白壁灰紅蓮三朵明歲甦絳旃紫纛從兩旗

上燭霄漢揚芬菲龐公歸來肝腸摧搶地欲絕悲兩兒  
路人聞之生歎咨臚厥孝行告有司標以彤管千秋垂  
君不見春秋褒善無過辭澶淵乃錄宋伯姬

率溪怨

并序

程曰璵字侶璠休甯率溪人與從弟曰瑾服賈江淮  
間曰璵以母年八十偕曰瑾歸爲壽舟過無錫曰璵  
失足墮水曰瑾拯其兄亦溺舟人救之曰璵獲免曰  
瑾死焉曰璵持喪歸以千金予其家且爲之立後念  
弟死以已故常忽忽不樂一日晨起哭極哀疾趨出  
門投水死乾隆五年六月二日事也曹文敏公文植

爲作傳余哀其志而閔其愚也作詩弔之

湛湛江水流杳杳楓樹林誰翻篴篥引變作墳廬吟程  
氏偕從弟行賈長江潯回舟渡梁溪失足波間沈阿弟  
援以手倉卒力不任上有青天照下有黃泉深弟死兄  
得活聳身赴波心阿兄持喪歸血淚霑衣襟入門長號  
咷魂魄不可尋解我舟中裝出我橐中金我子爲女後  
葬女白嶽岑朝夕意慘慘歲月馳駸駸中宵拊膺歎起  
眎辰與參上堂啓阿母兒命當盡今卮酒爲母壽不足  
復酌斟阿母大悲摧舉言淚淫淫勿作不良計念我暮  
景侵再拜出門去冥默如聾暗門前西溪水夏木環蕭

森驚煖薄白日重淵覆元露裊裊解屨韞從容挂冠簪  
上有青天照下有黃泉深弟死兄獨活聳身赴波心溪  
邊桃李花紛剪自成陰根枝互蟠結上有雙冤禽延頸  
宛轉嗁自名爲歎欽行人聞此聲寫入成連琴惟憐慈  
烏曲掩抑難成音

歸壽谷廣文銜觀瀑圖

同冠鼎簾捲開先雪練深韓蘇舊遊處山水有清音余  
亦停幽屐空懷緬古心無因攜勝侶一爲滌煩襟

霜月吟舒煥檐花酌鄭虔斯人老邱壑吾道在林泉賴  
有青門客能傳白石仙

圖爲邵聖藝畫

披圖憶疇曩萬樹咽嗁

鵬

曾一川先生倬騎牛圖

有蔣文肅徐茶坪汪杜林王次山諸先生題詩

臺笠當春風邛邛滿花絮已興千載思復此三峰路騎  
牛軒冕輕揮塵神理寓想見衿懷寬悠然得真趣百年  
見遺像神采動縑素諷詠名賢篇嘉藻發章句故人汪  
與蔣執手惜遲暮冥鴻已高翔一去不返顧讀書空山  
中二紀積超悟偶焉命駕遊邈曠遺世務陽春二三月  
萬象自和煦撫化樂及時齊物澹無慮商歌非吾事獨  
往隨所遇遐哉至人心風俗契淵度前軌日以涇先民  
彌可慕欲訪習是堂蒼蒼隔煙霧

黃琴六茂才廷鑑倚杖聽泉圖

中聲日以降六雅不可作泠泠太古音  
竇曠何所託真想寄濠梁委懷在巖壑  
暫與塵囂辭且遂山林樂先生振奇人  
道勝世情薄精心探三墳元覽苞七略  
丹黃手豐勸快若風埽籟舊聞搜琳琅  
著琴川三志補健筆淬廉鍔謂當浚青雲  
論思躋秘閣誰知隱霧豹竟作蟠泥螭  
百鳥方啁啾疇能辨元鶴六引競繁會  
孰解賞牛鐸東野終困窮西河久離索  
物情齊憂娛至味甘澹泊策杖聽潺湲  
支頤看寥廓想見夷曠懷浮雲咏人爵  
憶昔初識君留留事如昨吾邦盛文獻  
前軌遵矩矱就中陳與張準

月霄兩  
茂才  
年少最賅博聚書萬卷多抗志千秋各云何委

恒幹神理歸冥漠况復卅載來知交漸零落山莊荒享

帝屈偏甫蓬徑掩芬若張椒卿孤亭虛雅集蔣伯生半

野罷觴酌張鹿樵聞笛慷慨增晞雲情緒惡先生全其

天風采逾嬰鑠商歌金石協談笑熊羆卻時與元度偕

謂許伯絨周旋慰寂寞來訪幽居小築倚危約門前水洄

沿籬下花綽約手披虞氏書心契延陵諾伯生大令屬校北堂書鈔

未竟而大令卒君重亡友之託爲嚴其事千頃汪汪陂靜對生愧忤伊余秉

微尙塵事苦羈縛朝蓂幸已抽初服猶可著秋風吹叢

桂寒雨過山郭逝將攜響簣從君採大藥

宗補齋茂才德潤采藥圖

白雲仙棗天邊零萬蒲澗底生幽馨安期一去渺雲海  
飛濤百尺空泠泠甘溪下通朱明洞羅浮窈窕開雲屏  
銅龍蜚吟瘖伏虎鐵橋石柱高崢嶸穉川苦求句漏令  
潤跡瘴海哦松廳

謂哲昆收  
厓貳尹

君時褰糧度炎嶠珠江春

雨連牀聽朝尋綠衣五羊觀夜煮白石雙銅餅竹葉符  
探野人宅桃枝杖攸元都局我方乘槎指瓊甸驪珠照  
灼浮南溟刺桐花開木棉謝鞭驚咎鳳何曾停三山可  
望不可卽青鳥傳語煙冥冥歸裝不敢載薏苡滿籠或  
者收葭苓西馳巴邱東渤澥百二十度周新冀玉牀丹



鏃脊難致天風吹夢遽遽醒君早倦遊返吾谷我亦來  
諗揚吳舸相逢執手一大笑聚散倏忽飄浮萍壁間誰  
貌壽者相白鬚紅頰眸如星手攜鴉鉏行采藥筠籃瑤  
草青猿拾太元長谷御六氣黃精絳樹觀三庭塵寰游  
戲亦不惡何必白日乘雲翬昨朝過訪孝隱士凭几正  
讀黃庭經畫圖寫出兩臞鶴遠遊長史俱仙靈牧厓亦  
有采藥  
圖他年幽夢到碧井一枝敲折珊瑚青坡公定須報同  
叔肉芝烹熟陳羹錡松肪長餌五萬石桃實飽啖三千  
齡儻留石髓幸分餽爲君醉草新宮銘

趙氏欽器詩

并序

欹器銅爲之形如小鐘圓上銳下口徑一寸八分高三寸八分環口爲旋波紋其下蚪形一角額睛口耳眉顙悉具兩旁繫小銅耳各寸許平懸之中虛可受水三四合背篆元光二字其簏亦銅爲之高二寸四分修五寸六分廣四寸內空作芝草形四周旋波紋下承四足其上兩旁銅柱二高五寸蟠以二螭柱中小孔貫兩耳而懸之相傳宋宣仁后以賜傅獻簡公堯俞者按堯俞謚獻肅原作獻簡誤紹興中獻簡之孫忠肅公察夫人趙氏攜以入閩遂家泉州至明時傅氏尙世守之蔣德璟有觀欹器記敘之甚詳載泉州府志後輾

轉歸曾氏嘉慶戊辰吾邑趙鳳山大令同岐宰晉江  
曾約嚴工部以是器爲贈某中丞聞之索去云將以  
入貢大令乃命工範白金仿製形模畢肖試以水無  
毫髮差櫝而藏諸家廟以配文毅公兕觥并繪圖記  
之按背銘二字蔣讀爲所光趙疑所字不類而定光  
爲光謂器鏤一角象兕形也鮑麀客明經偉讀作元  
光疑漢武舊製而後代仿之者然漢武欽器不見於  
史且自來鼎彝欵識亦無但鐫年號兩字其說亦未  
確也

消息犧窮神損益聖垂詒物情多宜擇人道嘆是好穹

圓若張弓高下均覆幬流丸止歐與坳坎因利導陰陽  
劑盈虛平陂察豐耗聖王執厥中右坐義精奧後來競  
仿製雕刻紛穿鑿茲器北宋傳法物重同瑁虛如人磬  
折俯類鳥啄菴特頒傳獻肅金玉勵清操爲訶鬼物守  
流轉炎方到趙侯宰晉江芄黍陰雨膏邦人感嘉惠投  
贈等紅綃傳觀喧賓僚馳索上牙纛玉環昧辭鄭廟鼎  
譏納郤如何挈鉶智巧作大弓盜別范存精錄摩抄釋  
煩懣持以配兕觥蘋藻庶可芼有明十一葉定陵初更  
號冲人正恭默元輔行忌媚嶽嶽文毅公謇諤恥媚寵  
上疏披忠忱拜杖困陵暴腊肉示子孫竄削甘所冒江

陵綜覈才賦性本雄鷙持盈儻守盅虎尾或可蹈惜哉  
管子器濟以苦成傲覆餗底剝占撲滿禍機報鈞衡一  
傾欹萬理迭顛倒朝堂立門戶水火分溼燥遂令覆盂  
安竟貽淪鼎悼新尊繫脩后工祝致孝告挹注永無斁  
洄酌神所勞

紀蠶

周官毆庶蠱春秋書有蠶昆蟲列八蜡月令紀百螽地  
大滋孽芽天降瘳稼穡所以古聖人選德伏羣慝姬公  
制爾疋一一辨形色食苗心葉根橫暴亦云極惟茲食  
節者厥名乃曰蠶細如桃李蠶詰屈行卻仄長身膩若

脂銳首光有粦其性本內訌其用善藏匿類聚實以方  
參會備凶德蟠生嘉禾中竊據巧爲賊今年陽雨時汜  
漚徧澤國稠華播芬芳頑穗鋪福稜謂當畝一鍾高廩  
積秭億詎知豐歉數造物固難測暑退溫風來秋分苦  
霧塞陰陽氣交會激薄以自蝕瞻彼灼灼田秀挺苑者  
特朝看弱穗垂暮訝枯莖踣初猶分町畦俄焉混畛域  
剖視葉中空節節如齒唇長桐質灰黯蠹屑色黝黑多  
於蝮蝎蝥毒過蛄蜥蠊驚倒百歲翁蓄眼未曾識倚鉏  
仰天歎憤氣填胸臆近聞瓜蔓水汜濫江淮北和杭斷  
估船來歲恐乏食况復惟正供飛艘泛千翼穗秭已朽

腐安得中程則我發京房占戒在土功亟我讀王充論  
官刑儆貪墨

聖皇方御宇百物各率職胡爲華孽妖祲祥有差忒蜃  
炭牡鞠灰蠹物攻必克不聞羸蟲灾禳禱可致力庶哉  
禮明神昭告烈山稷剗羊雅飲豳磔狗禮用福索饗通  
精誠秉畀降罰殛穹慈儻垂鑒民氣或蘇息

秋雨述懷

霜風撼林柯雲氣積驟驟雨聲中夜至推枕起長喟朝  
來視周除零落感百卉念彼中田禾狼籍歎有蜚賴肩  
擔報官人語縣庭泐儻留一月晴餘粒尙可飲如何淫

霖降值此刈穫未長鎌溼生衣香穗亂如蝟隴頭苦蓋  
茅塍畔泥没扉行看下隄田遺秉委蒿蔚租符有程期  
物價已翔貴饑寒縱可忍椎剽那不畏我無祈晴方默  
坐但歔歔題餽迫嘉節獨酌聊自慰黃花不吾欺紫蠟  
正有味杖藜攜榼遊何惜百錢費安得商飈生銅鉦露  
髣髴逝登百尺岡快吐千丈氣作詩帖丙丁苦語瀉肝  
胃莫作田舍翁元龍所深諱

九日對雨

味谷陽烏潛天河水氣泄連旬積秋霖及此吹帽節虛  
籟飄梧桐悲鳴感蜻蛚潺潺雷懸繩屑屑蟻封垤行潦



韓檐汗衝泥屐齒折仰看雲茫茫峰頂影明滅龍山罷  
高會雁字瀉淒咽西風期不來南畝那可說長鑣出茵  
芝多稼被蟲孽荒塍翻穉東萊臥吟嘷縱使晴光回  
登臨轉愁絕不如且日飲醉眼任生纈離披細菊圓漱  
澹清樽凸脈脈野芙蓉相對傲霜雪

題宗牧崖貳尹德懋二如齋集

詩挾幽并氣花看嶺嶠春豪情銷往日薄宦老斯人窮  
達知山命文章合有神尙湖陂釣侶握手倍相親  
猶記扶胥口旌旗海霧開十年嚴武幕萬里尉陀臺借  
箸紆長策銘山仗大才功成辭薦剡頭白賦歸來

談笑論今古篇章見性情琴聲空谷動詩思妙香清南  
郭偕行藥東皋結耦耕忘年交契在廢學感吾生

挽顧叔真孝廉

春波同上孝廉船彈指流光二十年

王午春與君同舟北上

羅隱

清才艱一第邨超遺恨抱重泉龍門定荷成書託駟隙  
空傳辨命篇聽徹山陽長篴怨寒冰短景倍淒然

黃笠莽花徑版輿圖

柳陰停軌譜陔笙芝朮香吹小圃清種德亭邊花滿徑  
就中嘉樹是長生

我亦歸田荷

主恩綵衣花下奉輕軒只慙宦拙空囊在難覓安仁六  
枳園

王蓉洲孝廉憲成紅袖添香夜讀書圖

翠幕香濃夢尙溫驪歌一闕黯銷魂宵分檢取征衫看  
猶有梁園舊淚痕

他年簪筆侍

璿除宮錦裁紅宿直廬蓮炬兩行香滿案有人爭羨宋  
尙書

鄒小山宗伯仿唐六如東坡笠屐圖

圖藏張鹿樵觀察家

兒童吹蔥弄狡獪羣犬狺狺吠所怪人間無地著詩仙

天遣三年投海外蠻煙蜚雨桺榔邨被酒時從黎子雲  
一場富貴春夢過眼中那復容京惇我昔海南踏明月  
回首中原青一髮凌空飛錫夢僧伽想見英靈朝玉闕  
巫陽下招七百年傳神妙手推龍眠綿津縑素久零落  
靈巖圖籍空雲煙小山宗伯胸懷曠揮毫貌出天人相  
虹光怪底貫月明近入清河書畫舫千秋雙絕東華真  
九霞空洞無纖塵烏臺莫說舊詩案紫府恐有仙官嗔

錢棣谿山人泳屬題棣花谿第二圖

棣谿自釣渚移居翁家莊作此圖故覃谿學士有吾  
家司寇舊山莊手澤璇洲記草堂之句棣谿今年八

十有三矣醅顏鬢髮齒牙完固眎之僅如四十許人  
登陟山原日可二三里真地行仙也

石棹書屋棹花開縞衣綽約臨瑤臺

余家先祠在  
山麓石梅下初平

叱石去不返仙雲一朵天邊來棹花谿上有逸叟書聖

名傳萬人口淋漓元氣爭造化錯落乾文動星斗有時

花下理素琴羊體嵇心曠無偶卽論餘事作詩人當代

賢豪誰抗手石墨照耀垂千春人疑先生是古人生同

里閨未識面齷齪悔我長風塵今年策杖忽過訪比隣

驚眎來仙真顏如桃花骨髓綠年過八十尤精神自言

曾啖安期棗幾度蒼梧拾瑤草

君嘗游海州雲臺山得  
隋開皇三年王謨題名

又渡海至鴈遊  
山有詩紀事

薛刻摹來蕭傳臺筍屨踏徧田橫島但

從左海望神仙肯入商顏從綺皓勸遊歸臥寫經樓繞  
屋繁花向晴昊竭來示我棣谿圖冷雲香雪交縈紆吾  
家荒莊久寂寞結廬不異孤山孤前身恐是林君復撒  
手變現千明珠谿頭更著書畫舫虹光夜夜生菰蘆我  
展斯圖感疇昔烏衣門巷成陳迹薄宦常隨學士輓余校  
士江右粵東皆蘇齋老人使節所臨之地清暉莫問尙書宅祇餘老幹臥莓  
苔曾見橫塘舊泉石七葉虛稱桐木家十年枉作金閨  
客卽今歸來闢養堂白髮滿鏡添新霜長生擬續嵇含  
賦辟穀未得留侯方璇洲草長波渺渺石室春滿雲茫

茫瑤華采采欲誰寄  
徑思跨鶴凌風翔  
鵠峰西去湖橋路  
宅日思君夢君處  
便合移家入畫圖  
與君共傍梅花住

麗滿香年丈敬熙聽泉得句圖

絕壑橫停雲飛泉挂危磴  
泠泠滌塵袪灑灑滿清聽  
達人與天游齊物心無競  
偶來巖下坐寂默萬緣定  
糾紛息衆囂幽迴發孤詠  
鈞韶九疑奏鸞鳳半天應  
刻畫圭角嶢瓏玲肝膽瑩  
想見神理超羣峰際空淨  
緬昔瞿昆湖時攬拂水勝  
仰晞長松顛閒雲態明靚  
裊裊不忍去偃臥愜幽興  
遙遙三百載高致庶可並  
披圖拜遺像嶽

嶽氣嚴正永懷夷曠蹤夙契知仁性衝風吹天紳晴宇  
洗寒鏡長嘯訪鹿門深林一聲磬

題張蘧若侍御瑗請平魏閣墓疏後

委鬼茄花日月昏勝朝遺事那堪論獨將一疏鋤奸魄  
留得千秋正氣存

白玉扶闌石辟邪生瑩高傍梵王家祇今灌木荒煙外  
開遍秋原行露花

瘦柳低垂卓錫渠嘯雲亭下樹扶疏寺旁還有于經墓  
恨不當時並剷除

璇題銀榜已成煙枉使貞魂化杜鵑今日碧雲菴畔過



更無人憶萬屯田

石礬山頭漾紫雲夾城

御氣繞氤氲

聖朝袞鉞昭然在不見湖邊耶律墳

汪秉齋茂才錫珪梅屋品詩圖

鐵篴吹殘興太孤忍寒擁鼻貌清臞  
瑤華采采欲誰寄祇有多情高達夫

蠻煙蠻雨暗黃昏落月空樽認夢痕  
我似東坡老居士海雲回首已銷魂

歸氏傳笏圖

開囊拂拭悲風起中有孤臣心未死魚須文竹泪爛斑  
恨不持將擊賊泚立朝兩月出國門麻衣腰經星夜奔  
虞淵揮戈日色昏杜鵑嘯血望帝魂化爲朱鳥鳴煩冤  
哀歌髭髮長隱淪獨留此笏示子孫歷二百載正氣存  
君不見鄭公遺澤承高閼猶比甘棠勿翦伐祖風還賴  
魏謩傳允矣在人不在笏

聞道

聞道舟山下椰帆儻忽來妖氛纏絕島海氣沸晴雷地  
險資兵力時平少將才書生能報

國抱石劇堪哀

謂定海令  
姚君懷祥

近聞

近聞番舶信  
猗突過西沙  
堠火連雙鳳  
連檣逼七鴉  
邨荒屯虎豹  
人亂散麕  
鹿漚元戎帳  
秋高正建牙

賊退誌幸

罷兵羸卒不盈千  
浹日防秋氣黯然  
抵鵲已判荆玉碎  
嘯烏何幸菑城全  
年荒或恐人思遼  
邑小猶蒙賊見憐  
還望長官勤撫字  
春陵重續道州篇

有感

津門碧海似磨銅  
忽見椰帆萬里通  
聞道閉關辭馬武  
欲將假道誤牛叢  
廣源表自金函達  
驃信書偏木札工

重譯試從夷隸問未應鉛槧讓揚雄

澤國妖氛未埽除長勞屯戍護儲胥

中朝已許差巔約行省宜通督爽書海上三軍多化鶴  
江濱萬戶恐爲魚舊時絳灌今何在終恨長沙策太疎  
台衡霜鬢爲論兵密勿經猷罷戰征擬下柔緡牽巨鰲  
試投連犢餌長鯨歐茵誰解持囊報冑硯微聞拂袖爭  
文告已修干戚舞何緣一使有苗平

秋日雜感

涼雲飛壓女牆低暮角淒涼四望迷番舶已迴遼海北  
蠻煙猶射浙江西星分月影傳烽燧風送秋聲入鼓鼙

聞道新頒

寬大詔

天心未忍翦鯨鯢

黑風吹水月黃昏戰艦如雲海上屯失律尙稽誅馬謖  
乞降真欲赦孫恩連踪勢直窺三輔重譯書偏達  
九閭試向雪交亭畔望國殤應有未招魂

析津形勢控登萊

先帝經營築將臺誰撤龍驤沿海備遂教蜃市際天開  
于今轉漕千艘集憶昔

巡方萬乘來鎖鑰

兩京根本地遠猷須仗出羣才

之采如缺復如環雲海空明變幻間刁斗三更嚴列戍  
留犂百斛犒諸蠻遙聆行炙吹脣沸忽馭長風掉首還  
大府飛章陳

九陛羣公早已破愁顏

驚濤八月射錢塘鐵舳乘潮鬪弩强十萬軍聲迴骨母  
三重沙塹守餘皇錦袍珠帽圖徵側碧眼黃鬚檻鬼章  
稍喜靈胥能助順

威弧從此震天方

牙門上謁語喧囂欵塞青唐氣太驕水落蛟門游罔象

秋高虎帳集飛鴟一城竟欲資烏介四路終難制曩霄  
咫尺句章循故道將軍應下霍驃姚

莽莽蟲沙委逝波甬東消息近如何兩昏極浦人煙斷  
月冷荒城鬼哭多大海回風吹颶母官軍何日復蓬婆  
似聞岑港殘黎在猶望

王師夜枕戈

螺峰虎岫勢崆峒嗚咽濤聲怒未降西望山溪連五筦  
北來島嶼控三江婆娑洋靜秋雲暗烽火門高雪浪撞  
半壁東南資捍蔽八閩從古是巖邦

跼跼飛鷺海霧秋傳聞曳足困壺頭人情猶作長城倚

遠略須從末路收窮塞淒涼歌樂府籌邊截臬指高樓  
明珠寶玉脂膏地

宵旰誰分

聖主憂

璽書捧出未央宮將相權兼重上公漫譟狄青能盪寇  
可知魏絳善和戎扶胥口下油幢碧朝漢臺前大旆紅  
一出果教炎海靖

聖朝元不尙邊功

金星芒角十分明欲挽秋河洗甲兵已下

尺書招贊普會看端坐埽欃槍丹山尙作長鯨窟滬瀆



先休細柳營傳語海濱諸父老早完租稅事春耕

驛路飛雲護蕩函伏波橋柱績應劭樓船好固三門戍  
濠鏡常通萬里帆驃信已曾圍蔡襲吐蕃儻欲劫渾城  
崢嶸劍氣千秋在極目寒空倚碧巖

重有感

冬雷殷地月環營照海朱旗萬礮聲貝闕夜移三虎力  
狼烽朝達五羊城寶滂乘棧倉皇渡种諤飛符涕泗橫  
太息藩籬先白撤彎弧疇敢射長鯨

聞官軍收復定海

辛丑

大纛高牙擁上流元戎半載駐明州空聞貔虎軍中肅

坐看鼉鼉海上遊納地未輸元昊表歸俘先釋董成囚  
釣鼉網鰐經綸手真見翁洲指掌收

笳鼓聲喧敞壁門真從釜底赦遊魂嫚書尙自稱吾祖  
異服齊看著只孫日出妖氛消列嶼春深灌莽長空垣  
連天蔓草縈枯骨野老歸來涕淚吞

胡芑薌山人駿聲移居圖

卜居本是家山好謾謾松風滿瑤島結廬桃澗耕石田  
安事馳驅懷遠道不然厯覽窮八荒聞風緹馬高翱翔  
胡爲淹留隘茲土東屯西崦空奔忙芑薌山人古高士  
妙筆丹青世無比張彪隨母臥嵩陽梅福攜家隱吳市

滄浪亭下秋風來  
習池高譙傾尊罍  
東南名士坐中集  
生面一一豪端開  
羣公倒屣爭延譽  
雪泥鴻爪隨緣住  
月棹時衝袁浦煙  
春帆每指君山樹  
一朝調絕雍門琴  
衰柳斜陽白下深  
輕塵已積陳蕃榻  
磨鏡誰憐徐穉心  
半規園中長寂莫  
青眼高歌望寥廓  
貌徧尋常行路人  
英姿何處求襄鄂  
驚濤撼撼揺菰蒲  
幽夢一片飛江湖  
浮家更欲向何許  
白鷗浩蕩雲俱餽  
餽竭來有客談幽境  
思從句曲尋宏景  
寶錄重繙十賚文  
山茨新搆三茅頂  
我亦東西南北人  
歸來無地栽蘭蓀  
仙源倘有長生藥  
好荷長鑱共卜鄰

曾烈婦詩

烈婦范氏昭文人舉人清彥之妹嫁同里諸生曾敬謙嘉慶八年夫疾刲股療之夫歿吞金以殉家人掇之不得死遂絕粒數日姑婉諭之乃強進飲食越三年夫喪大除日一慟而絕家人搜其篋得七絕句二首後書云喪服將除我死日矣蓋絕命詞也道光十七年大吏聞於

朝獲旌表

于嗟烈婦可無死上有尊章下有子服勤縱云有娣姒子無母兮將安恃是呱呱者焉寘此于嗟烈婦竟死矣

兩髦告終目猶視欲往從之已心矢與子期乎在蒿里  
二十七月須臾耳地下相逢定歡喜人間可哀棄如屣  
血淚爛斑詩一紙于嗟烈婦真女士君不見匡山風雨  
泣三年正氣歌成死柴市

鏡心和尙載菊歸莊圖

涼煙初重晚風微載得秋英一舸歸散作花臺爲供養  
餘香猶染鹿皮衣

西莊水木湛清華留客伊蒲饌更嘉我比淵明差勝否  
不能飲酒但看花

德新上人看雲聽濤圖

雲光漾空明，濤響答澎湃。風輪浩劫轉，儻忽生變怪。道  
人心坐忘，袖手閱塵界。殷雷付一哄，大地息五噫。行參  
聞思修，已了行腳債。君看燦忍通，終勝島可隘。

張荻洲先生蒲江政蹟圖

先生名應曾，子和觀察之尊人也。乾隆丙子丁

丑間任四川蒲江令

石室祠高，朕離堆頌李冰斯人，不可作遺愛。到今稱圖  
象，乖崖立，弦歌益部興。鹿鳴傳雅奏，輶采記吾曾。

錢文伯廷錦招同宗收厓德懋姚湘坡福增泛舟  
昆承湖觀荷收厓詩先成疊韻奉和二首

窺船野鶴下橫塘，擘岸風來十里香。我輩不羈能避熱

主人有酒莫停觴秋心卷露和鉛水妙筆凌雲織錦裳  
回首昆明池畔路滄江一臥鬢毛蒼

六月清涼勝下塘輕陰如幄玉生香已離炎海黃茅瘴

與牧屋追述  
粵東舊游且醉中山白墮觴有口祇宜嘗桂醕主人設桂

酒味甚  
馨烈盍簪暢好集蓉裳綵囊盛取珠千斛擬換齋頭

小點蒼牧屋新得大理蠟月石  
屏甚自珍秘故戲及之

### 姚旨雋明經烏目山居圖

山人未出山鬱鬱懷遠道壯游旣已劬始覺山居好姚  
子江海士天葩振文藻長歎出門去和璧官自寶顧念  
山中居倚闥有二老寫圖託岷岵抑志覓梁稻聲名動

公卿投贈通紉縞古心衿自披俗眼舌終擣空陳光範  
書疇作淮監表蹉跎謝盛年紆壹感窮島炎荒衝瘴癘  
蠻語雜夷獠去矣若發機歸歟怒如擣偏親痛長辭才  
子悲蚤天索居無所詣零落知交少時復過敝廬清談  
聊自飽壯心猶未已矯首向晴昊近念三吳鄉彌年積  
霖潦荒村斷炊煙敗屋有餓殍遠念五筦外氛祲何時  
埽刑神夢尋收肅殺行金皤斑斑春淚流擾擾秋心攪  
形容長顚顚面目日枯槁酌君酒一盃爲君蠲熱惱回  
憶五羊城禍蘂伸

天討紅旗蓋海明白蜺連營繞晴雷殷巨礮火箭著雲



夕一  
堡君如蝨其間安否那自保故人引領望猶幸歸來早  
端憂易傷人且試開懷抱君聞笑而莞破涕爲絕倒桃  
源秋澄清石屋晴窈窕從君更入山攜鑱劇瑤草

旨雋屬題天際飛帆圖

我生豪氣隘九州西窮天漢東閩甌北溟南海橫查徧  
只恨未作瀟湘游君亦高騫恣憑眺三度尋詩踰嶺嶠  
騎田極望衡岳通咫尺巴陵不曾到忽然示我徑丈圖  
稽天巨浸雲饌餽九疑鑱天夢中見覺來耳畔風濤驅  
勝遊豈必曾親歷指點江山盡陳迹失路空悲柳毅祠  
投書欲訪靈均宅鈞天奏罷音杳冥峭帆遙指君山青

無山繫石沈斬尙徑思鼓瑟邀湘靈憶昔與君泛瓊海  
金鴉騰翥魚龍駭歸來一髮望中原袖底驪珠發奇彩  
祇今儻清椰帆飛長鯨吹沫滌合圍扶胥簌潮颺母黑  
撞碎或仗雷霆威卷圖方寸起芒角如聽錢塘破陣樂  
題張荔門山人小像

山人名式江陰華墅人  
工寫真詩清瘦性愛潔

詩情畫筆似倪迂潔癖高標調不孤只莫刺船花裏去  
一鑑香篆裊菰蘆  
英姿裊鄂更無倫物色風塵託寫真應有奇材爲時出  
虎頭食肉爾何人

章氏兩節婦詩

并敘

吳縣學生章佶章倬同父兄弟也並蚤卒佶妻王倬妻潘皆以苦節著佶無子倬有子二以長子安誼爲佶後而次子安止又天兩節婦同心撫孤皆守節二十二年而卒大吏上其事獲

旌表安誼官餘姚廟山司巡檢地瀕海有土堡今年秋八月島夷入犯四明列城望風奔潰安誼獨激厲鄉民效死勿去賊竟不至儻所謂克保令名者歟

鬱鬱山上松鐵幹寒逾堅丸丸岡頭柏黛色高參天上  
有兩寡鵠各各巢其顛朝飲香葉露暮宿陰厓煙一鵠  
失儔匹哀鳴徹重泉一鵠將兩雛相依形影單冰霜共

覆翼風雨同飢寒一雛幸長成當風振弱翰一雛俄摧  
質毛羽傷凋殘力盡竟委化歸真返瑤田章氏兩賢母  
蘭閨稱後先譬彼松與柏根枝互結蟠辛勤廿載身絕  
續一脈延跼萼遞銜接灼灼晨葩鮮孤也稟遺訓薄宦  
姚江塙鯨波沸海溼搢拄戈鋌間有子幸如此忠孝庶  
兩全勸哉保潔白用以光簡編

我吟寡鵠篇掩淚汎瀾起惘焉念高曾芳躅略相似吾  
家昔中落賴我高祖妣立孤孤又亡忽諸幾不祀撫我  
祖爲孫愛孫如愛子吾祖少焉孤鞠育惟母氏貞節一  
門萃艱危柏舟矢展分均婦姑齊年若娣姒篝燈顧宵

知止齋詩集卷第十二

杼舂瘵勤十指吻燥含寒冰志定盟止水蕭蕭巷無人  
啾啾宅多鬼正氣懾百邪一叱寂然止啓戶皓月澈寒  
空淨無滓中庭老梅樹璀璨發瓊蕊兩母相顧笑吾與  
爾猶是貞徽相繼徂樹亦立槁死至今雙綽楔高行式  
間里清芬遙相望載筆告彤史